

印

竹

杖

自弁

余性不解吟。腕之所奮。握筆如  
椎。鈍賊未除。于思戟張。不相下。  
兼家無賜書。日役檣馬。同枕同  
夢。幾經分岐。矧盾墨。輜軒彈指。  
剎那。鳴不擇音。矢而成聲者乎。

淘之汰之。得若干首。痲磊苑澁。  
似乖雅尚。然古諺有云。少所見。  
多所怪。見橐駝言馬腫背。昔柏  
翳綜聲於鳥語。葛盧辯音於牛  
鳴。不可知者。而可知之。聲音之  
道。與政治通難言矣。吉水施男

字偉長

蜀山志

卷之六

二

叩竹杖

目次

同劉無文張爰則曹履受夜宿遙青閣限

韵得丁字二首

過蒼梧留別楊一田祠部

登九嶷山

九邊圖詠九首

有引

營道軍營卽事二首

花藥寺對雪有懷劉無文

宿南麓禪院三首

龍溪軍營卽事兼懷劉中翰無文二首

晨望

臨蒸驛新菴

七夕

西郊留別李來賓郭武緣二明府

曉過湘山寺感懷

零陵軍營卽事憶劉無文中翰

宿鹿苑寺

村居詩十首

有引

與侯商丘若孩二首

次丁金河桂林咏雪

曲江九日

度嶺得劉無文僧隱曹溪耗于役不辭一

訊却寄一首

同玄止水壑介立石頴暢亭記郭大瞻時

玄止粵行拈別得深字

送玄止道人度嶺

畬天池水公依來韵

送徐梅傲職方之九江

酬楊弱生依來韵

酬清江楊璣部先生寄易去浮

食走徂松兼告其侄國子



寄郭修吉山庄

投徐巨源徵士

同郭修吉步月分謀字

哭介立上人

泊五雲寄本公二首

宿五雲經劉無文廢宅却寄戴衛兒

發金川

南浦晚泊感懷得熊少宰惠函近集并誌

謝

別羅克一章門

七月十五日

再寄徐巨源

吳城望湖亭

蠡湖守風

望廬嶽寄天池水公

過彭澤

孤山寄家鼎非晦弟次山人彥侄仍斯九

則

江上

羅刹磯題壁

樅陽渡

采石酌太白

項王廟

秦淮

烏龍潭小酌同白二東父母郭司訓命侯  
繡君堂留別白二東父母白夢新吳汝明  
文學兼送張菊人令楚分韵得余字

寄袁亦文兵憲

有引

懷潯南汪徵五兵憲

賦得客睡何曾着

感懷

江上寄祝李少司馬梅公六十

區湖投史赤豹庶常

同沈七飲于湖家孝章河采伯季山庄

步公南遊胥江尺木惕菴俱投以詩公予  
師也用史庶常韵次之二首

于湖挽張來初吏部二首

聞劉二無文死東粵賦此代輓

與家孝章

乙未秋日錢大宗伯牧翁呂銓司霖生史

庶常赤豹陶康侯侍御沈仲連司李同

集虎丘湯賦

賦得天寒有鶴守梅花

吳江舟次續潘邠老句報陳皇士

塘棲懷陳皇士太僕

訪來元成掌科于長河信宿齋頭示余易

圖說春秋論著賦謝

石梁觀瀑爲虎丘釋雪珂

真揚與張崑承別駕

祝沈惕菴五十初度

鴛湖李子龍在辱南邨以詩見投次韵答之

同沈惕菴劉遠公聞公夜集利見水亭看月次劉璽卿西珮韵

宛陵與蔡芹溪

客宛投家次仲拜寄其侄尚白比部

與梅季升

贈高阮懷

與梅幼龍

與沈方鄴

與蔡玉立

丙申冬日同蔡芹溪葛元士郭命侯訪融

公于明鏡庵時蕭閣有汪潤含俱在座

次蔡韵



次蔡芹溪誌別

喜葛元士至自山中

送郭命侯歸里

客宛懷張與瞻

和陳皇士懷友詩二首

重陽前三日同喬敬五陳孝將金孝章俞

無殊陸翼王袁重其程杓石張鶴民申

莘民家又王集仰蘇樓送倪天章之淮

分得秋字

重陽後一日社集合綠堂次家又王

送顧螺舟浙遊

山右喬簡襄寓次言懷并誌別

讀淮南顧同叔詩率賦答教

與李石臺督學

送家尚白督學山左二首

和楊弱生載花易書

敬亭社集用楊弱生載花易書題次虞山

先生韵二首

已亥除夜感懷和家孝章韵

穀雨日訪胡允右飲秀園信宿齋頭次主

人韵

答家次騏見贈二首

詠牡丹

忌國色天香太真西子錦繡脂粉  
羅首膏唇等字面

七月十五日同蔡芹溪梅季升高阮懷梅

幼龍梅子長家次仲愚山泛月宛溪得

十一尤

喜家愚山歸里次蔡芹溪

祝林玉樹五十初度

庚子平秋後七日屬有江州之棹家孝章

銓臣輩各製詩一章潤行次韵答謝

江行三首

江州初泊天池水公忽枉辱兼留宿清風

閣依韵會謝

江州感事

喜李惟饒得雋口號呈梅翁少司馬

庾樓

香山花徑和汪雨若父母

庚子除日同楊非儔廖師吉葉清文夏抑

公守歲桑落洲得春字

贈馮歉然明府二首

喜晤陳石莊刺史

鳩茲坐傳度山掌垣歸舟

賦得秋天不肯明

寄魯孺發撫軍

送錢馭少大行次瞿韻

讀沈惕菴再晬詩賦答

清涼山

石頭夜泊

鳳凰臺

賦得相逢盡是歲寒人

庚寅雜髮

叩竹杖

吉水施男偉長著

南昌王猷定于一閱

同劉無文張爰則曹履受夜宿遙青閣限  
韻得丁字二首

醉倚江樓曲未停。遙煙入暮放山青。家園幾處  
還衷甲。澤國何人不眼丁。竈冷。洪厓。逃夜月。劍  
寒極浦。澹晨星。鄉思有夢知無着。愁聽風來自



啓櫺。

其二

江樓日暮懶雲停。愁把深盃對眼青。繻短終童  
羞旁午。閣殘帝子泣零丁。幾邀藥杵妃爲月。誰  
識篙竿客是星。漁火前邨煙棹遠。相看明滅在  
疎櫺。

過蒼梧留別楊一田祠部

莎艸微煙傍月浮。蕭蕭古渡水悠悠。單衫韎韐

蠻鄉路窄袖。縈韃楚嶠。鼉投轄。懽情忘拜母。棄  
繻強志爲封侯。漫言灘荔盤灘遠。欲寄相思一  
葉舟。

### 登九疑山

崔嵬天際半。青削九轉湘。帆亦揣摩未。雨雲雷  
生屐齒。方穉雪霰集巖阿。鷓鴣嘯處行人斷。猿  
狖聳時客子過。古廟蕭森瞻拜罷。翠華何事到  
陂陀。

九邊圖詠九首 有引

桂文襄九邊圖初得之余邑毛襄懋曾  
孫歲癸未西昌歐維叔復以靈寶許襄  
毅公進呈者見遺璧合珠聯什襲莫踰  
戊子中湘之役率沈于一宿河神物雖  
去聊係以詩少當仗節者座右一銘庶  
兩公訏謨亘千百世而長在矣己丑陽  
月書於柳署

遼東

故國遙分賜履齊。三韓派遶間東西。地饒原產  
通平壤。家擅橐鞬接狄鞬。桔矢從王天府載。顯  
貂作貢象胥稽。營幽自古成封土。表鎮醫閭記  
舊題。

薊州

漁陽輦鼓舊神州。古北黃花處處憂。內難方平  
忘險阻。中傳弗戒却綢繆。誰犁三衛王庭遠。坐

華千官帝闕悠。肉食謀多徒轉餽。孤臣草莽慮還周。

宣府

平川萬堞瞰岩巒。指顧諸陵路不遙。太守臨戎推漢代。將軍擅爵鄙唐朝。千群公族能調馬。十五良家慣射鵰。舊壘拋殘城獨石。閒思忠武淚橫綃。

大同

居延川外朔風迴。馬邑城邊戰鼓催。路接陽和  
齊固圉。關連寧武盡銜枚。山原曠衍封無險。甲  
穀精良士可培。雄主白登殷鑒在。禁中頗牧孰  
爲才。

### 偏寧

雁門西去是偏寧。表裏川原錯繡屏。野戍頻年  
山似赭。燒痕三月艸垂青。干陬如可存河曲。獵  
火何由到井陘。東勝汨淪愁髮白。悲風坐起幾

回醒。

延緩

橫截勾聯盡磧垠。經營想像蜀青神。安邊不作  
聊存計。棄土寧爲笑。人都護軍牙。從凱壯良  
家子弟亦車幘。雄圖坐困惟芻輓。守得魚河饋  
不貧。

寧夏

湏洞洪河一瀉連。賀蘭千里雪湯天。降城已築

朔方古。蒸土猶稱統萬堅。野曠霜清人卧馬。沙平月上夜抽弦。迢迢亭隧紛拏極。仗節麾臣可任銓。

### 固原

搜套當年謀豈疎。殺身忠愍是師模。沈犀不塞涓流恙。養虎真成滋募圖。狄迫唇寒爲近齒。羌連肘弱益侵膚。階蘭總顧先環慶。未雨綢繆戒卒瘝。



甘肅

西河舊是古伊涼。塞北江南孰雁行。一線中通懸漠外。四城分踞阻遐方。星躔營室天垂度。地擴渠犁漢始強。哈密何緣勞聖慮。微聞草昧失敦煌。

營道軍營卽事二首

淒迷嶺海笑長纓。驛路南天又梗萍。羌管黃雲吹漢址。楚歌青漏徹蠻城。宵鉦露冷山猿意。暮

鼓風高。旅雁情。咫尺春陵真氣在。兼葭目斷憶  
弓旌。

其二

寒燈旅夜倍傷情。笑倚東南半局枰。塹渚溪巒  
成壁壘。錙銖筦庫號坻京。星河隱見龍蛇角。  
鼓。淒。清。草。木。兵。眼底秋姿容易老。群飛繞樹正  
三更。

花藥寺對雪有懷劉無文

宿雲漠漠覆江離。千尺輕容曳遠陲。賓雁寒衝  
呼陣候。友鳬興絕落眉時。無文舊齋眉日友  
鳬常苦吟于此歇  
狂在我忘縑薄。耽癖知君泣路岐。節序遷人天  
亦老。瀟湘碧杳爲誰漸。

宿南麓禪院三首

天涯是處一青萍。南麓幽幽且倦登。石嶂踟疑  
獅吼佛。水田低逐衲衣僧。鳥間雲卧迷修篴。樵  
絕磴淵有壽簾。莧蕨發成機息久。寂深無語對

龕燈。

其二

結構遙分嶽色青。離離與艸自寒汀。輶軒夜吼  
巖棲月。熠耀宵行。樹漾星。地迴煙。迴丹竈。鼎人  
閒。水濺石。梁亭。年來潦倒成何事。小壘楞嚴夢  
未醒。

其三

幽巒石抱關禪關。爲許遊人一往還。翡翠春鮮

巢乳實空青。雨過上苔斑。竹添孫子黃。茅外薜。  
別旗槍。煙瘴間。名勝不殊蓮社靜。遺民舊識遠。  
公顏。

龍溪軍營卽事兼裏劉中翰無文二首

鴉聲歷落曙光昏。夢到梁州枕尚溫。萬竈薪蒸  
炊赤縣。千閑牝牡放烏孫。林平澗遠征輶寂。月  
落山高戍鼓存。異地川原齊下淚。浮生誰起未  
僵冤。

其二

遲昏澁霧浸天根。潦盡碨頭水落痕。鼉鼓節催  
連斥戌。蜚弧羽捲別旌門。愁心鴈鴈荷風徑。狂  
髮鷓鴣梅雨軒。錯落嶷山君更遠。春深一度一  
無言。

晨望

重雲嶺外氣如流。古渡梁平積水浮。短髮青衫  
千樹影。荒堤綠艸一春愁。沈淪久已辭金馬。智

巧何須問木牛。蕭瑟情懷空自對。踟躕惟望石  
磯頭。

臨蒸驛新秋

詠茅灌井不勝愁。况在湘江又早秋。迢暑塵高  
紅蓼淨。迎涼風細白蘋悠。已拚北首隨陽鳥。誰  
問南冠繫楚囚。蕭瑟柯亭冥對遠。茶煙裊盡火  
西流。

七夕

雙星遙望一津通。渭水西橫笑強同。我貴澄鮮  
疑鵲駕人奔。慧巧習巫風。琵琶此夜真如甌。針  
綫幾時得似工。河鼓黃姑相誕久。臨文却怪柳  
河東。

西郊留別李來賓郭武緣二明府

桐葉新殘竹露涼。屐痕賒望楚天茫。煙清禾黍  
驅潛羽。暑退芙蓉納晚香。橫海勲名聲寂寂。伏  
波壇坫路蒼蒼。相逢漫道梧峇杳。一度西風颿



短檣。

曉過湘山寺感懷

馬。堵。霜。薄。石。花。殘。白。葦。秋。原。彌。望。間。城。角。連。雲。  
疑。野。戍。龕。燈。一。火。是。僧。壇。霸。圖。清。嘯。汾。樓。在。王。  
業。蒙。塵。蜀。道。難。甲。蟻。長。征。歎。未。了。盤。泉。依。舊。水。  
雲。寒。

零陵軍營卽事憶劉無文中翰

朔。氣。邊。聲。殿。鼓。牙。秋。林。遙。落。白。茅。賒。星。昏。鶉。尾。

忘鉛筑。月照燕支響。葉笳伉。浪人懷關北。健悲歌。誰問灤西斜。河梁猶憶隔年句。漲海沈沈惜兔置。

宿鹿苑寺

兼旬韋幕負溪巒。霜落鐘回夢裏看。破碎關河賓鳥過。淒清臺觀候蟲安。慙無麗句齊明遠。賴有浮名問懶殘。仰視屋梁纖月去。而今驛路又湯湯。

邨居詩十首

有引

王觀察邨居詩成于庚寅臨蒸之僦舍  
從而步者十百其群要之摘情繪景率  
澹以儻婉麗而則匡鼎韓嬰各不失三  
百遺意而已辛卯余家嶺右宅水之東  
有廬一區田一成步不數武昵漁狎樵  
夾農而處每晴嵐夜雨夕陽西下遠寺  
疎林明月東昇炙雞剝笋斗酒自勞朗

誦諸君子一章黔驢技癢率而成聲何  
復知有猛虎在前也若云和之則吾豈  
敢

其一

割得青溪半幅池。晴光樹色鳥聲知。  
繩扉露濕垣衣薄。簷溜日烘輿艸熙。  
起視鹿鳴餘雁泊。還看虎落祝雞尸。  
荆榛初闢成康壤。剝棗烹葵不待時。

其二

五嶺樵蘇百戰餘。巢林燕子。傍誰居。山南空齒  
徐君劒。硯北猶留楊子書。貓虎。醵金仍舊俗。雞  
豚入苴。羨新畬。放歌浩浩聲千里。日落滄江月  
霽初。

其三

荔蘿深處是林園。野色晴燠艸亦喧。壁破溪聲  
浮午夢。籬疎蛛網劃煙痕。坐馮薄曲雲流樹閒。

聽桔槔水在門。湖海十年塵氣盡。道書清晝到  
黃昏。

其四

十畝鋤成不買山。畫眉睨眄晝初還。風來花信  
農祥動。雨過魚苗罟客閒。淺浪平疇分日影。長  
鑊短筵逐烟鬟。郊肥莧蕨無慙飯。何惜髡衰在  
百蠻。

其五

旁風細剪夾輕綃。竹徑青青獨擁笳。土辨黃黎  
存禹甸。嵐分黛碧識蠻徼。鵲鳩嘯徧三春雨。杜  
宇聲寒六月潮。最是湘南卑溼地。濁醪數把未  
曾澆。

其六

薄海裏沙只怨湘。而今瘴癘漸成鄉。樓居不羨  
神仙貴。草閣猶憐客子狂。日射牛毛橫襪襖。風  
生塵尾咏滄浪。年來閱歷歲華盡。榆葉青青槐

角黃。

其七

雨過烟微。嶂影層堂開。無事對峻嶒。農家雞黍  
尋常醉。日夕牛羊千百朋。任誕嵇康曾逐。累哀  
時王粲。且防憎。蠻鄉寂寞。門如水。靜聽魴鰾夜  
上罾。

其八

蕭蕭短髮不勝簪。炊罷桃花且對岑。波底魚龍



徵暑氣。澤邊菊。杞滌凡心池。侵月魄。鱗窺戶。羽  
載霞光鳥幕林。蟠腹三薰人閒寂。居然山水激。  
清音。

其九

正是尋芳不諱貪。削青如黛愛如藍。葦蕭漁火  
僧鐘暗。桑柘村燈社鼓酣。風雅經年愁欲絕。牢  
騷異代豈同慙。斟泉漱石梅心細。長夜高齋有  
佛龕。

其十

瞰麓臨流處處幽。勑飛聊狎鷺鷗遊。盟松且喜  
連滄島。拜石還疑類禿鶩。半榻刀環春月夕。幾  
家書幌夜星秋。十千無惜鸛鷀去。東郭南山總  
一丘。

與侯商丘若孩二首

漲海塵飛邊燧秋。天涯涕淚各同仇。黃冠國士  
孤筇盡白髮親恩一衲留。火戍滄桑迷禹甸。棘

津風雨戀商丘。興亡莫笑前朝事。北固陰成恨未休。

其二

綰紱分茅事不遙。可堪瓢笠混漁樵。殘編故國關河淚。短杖新年客子輶。病眼風塵星鬢改。愁裏歲月斗醅消。中州自古饒耆碩。珍重相逢賦後凋。

次丁金河桂林咏雪

側側驚聽玉露稀。愁看嶺外又飛飛。着榕添粉  
疑群樹。點石迷蒼失故衣。天亦逢人星火變。氣  
當自北雁鳬肥。寒灰撥盡難成寢。採橡無慚且  
樂饑。

曲江九日

嶺雲如劃斷。霜尖孤柵慵登最上頭。樽酒豐螯  
雙把嘯。藁砧寒葉獨吹愁。閑邪不倩茱萸健。慙  
傲誰爲水乳投。眼底疎疎榆共柳。相看又是曲

江秋。

度嶺得劉無文僧隱曹溪耗于役不得一

訊却寄一首

白鵲相刑謹玦環。梅花驛路鬢蓬斑。延清韻老  
碑摩古。靈照塢輝石起頑。檝響難容載酒過。雞  
號未許授衣還。襄民此去炎洲寂。積水空明誠  
等閒。

同玄止米壑介立石穎慢亭集郭次瞻時

玄止粵行拈別得深字

西園集雅人忘暑。一葦先航起暮吟。關塞渺茫  
殘照裏。風塵澹黯孤臣心。秋悲漲海愁看劍。月  
落羅浮靜擁衾。長嘯分攜予跂久。含情受領各  
深深。

送玄止道人度嶺

鍛羽中原如暮鴉。緇袍方袖喜同車。論文社結  
三茅地。選佛場看五葉花。落日山青悲古道。殘

鐙髮白。憶誰家。越王臺畔風流。永好去。分題賦  
八叉。

畬天池水公依來韻

楚思騷情不厭頻。塵氛誰釋此勞身。投閒始覺  
微名誤。漸老方知古德親。羈縈同山坂。馭篙  
竿繫是客星綸。與君林下卜幽隱。謾謾聲聞曾  
幾人。

送徐梅傲職方之九江

搖落天涯恥着冠。緇袍強拂對人歡。揮椎未得  
先羸政。罵坐何知有武安。白眼關河荆棘路。青  
山歲月虎狼盤。驪歌曲散思千里。暮雨江潭枯  
月寒。

酬楊弱生依來韻

百年誰是等閒身。臨水相將惜羽沈。世事梟盧  
余注瓦。文章壇坫爾褰音。寒分露下蒹葭意。澹  
勗江干鴈鷺心。武姥青青秋更老。桃笙一枕待



君吟。

酹清江楊機部先生寄易去浮

茶竈筆床擬怪魁。湯湯方割孰蘆灰。攤書久廢  
斲輪對。懶賦何關租吏催。八代衰扶同禹德。三  
千鑄就盡姬才。斯文道在真知己。尊酒細論重  
許來。

畬趙德操見裏兼寄其姪國子

水郭秋嚴動欲焚。攤書強對似龕僧。已拚馬骨

售燕駿。誰寫烏絲付剡藤。破寂論交忘有爾。裏  
歸多畏喜爲朋。君家橫槩阿咸在。信是當年三  
折肱。

寄郭修吉山庄

抽簪處處狎猓盟。山北山南爾獨貞。白眼黃雲  
天欲暮。青尊碧渚夜何晶。閒情稼圃裁僮約。樂  
事蟲魚註宦成。最是含飴人靜後。柴門燈火讀  
書聲。

投徐巨源徵士

十畝閒閒只著書。西山舊是聘君廬。我勞風雨  
來難寢。此去關河費象胥。杖策徒牽千里思。破  
琴空負一囊儲。浮根未斷名難了。擬向尊前問  
德輿。

同郭修吉步月分謀字

寒暉分照共殘秋。領醉何嫌與月謀。萬里羈心  
思是夢。千岑客路望增愁。梅花落盡今宵意。水

調歌填此夜頭。不惜更深憐葛薄。荒汀欲傍素雲浮。

哭介立上人

寂寞郊原一炬休。宿雲如霧水潺流。尋常酒債餘筇竹。五十春光等核舟。道在終窮誰選佛。身亡遺恨是依劉。含悲不用招魂賦。坐對殘書淚眼秋。

泊五雲寄本公二首

丹雞處處馬曹同。芒屨當年憶梵宮。佛照霜寒  
黃葉盡。僧厨月上白蒿窮。平分酒盞追陶側。細  
數詩篇笑郢中。我亦髭來餘幾許。行將策杖問  
邨東。

其二

旗亭獵獵動高旌。買醉何年計客程。踵決風塵  
同看劍。衣凋霜霰獨班荆。千鶉恥負雞豚約。一  
鉢真慙芡蕨情。舊壘魚梁誰更築。與君潦倒入

鷗盟

宿五雲經劉無文廢宅却寄戴衛兒

十年磨擦匣中裝。短鬢歸來忌老狂。是處箏箏  
鳴荻浦。誰家燈火憶魚梁。牢愁最劇西州路。舒  
嘯還登華子岡。往事不堪重執手。高言正始待  
君商。

發金川

隴麥新登雉雉嘻。高空卵色孤舟時。懶雲工態

連阡好。晏日矜寒下。瀕遲穀。皺波紋。頻激瀨。綠  
沈峰頂正欹危。微熏未斷江聲駛。攤飣粗成警  
枕移。

南浦晚泊感裏得熊少宰惠函近集并誌

謝

江城樹色晚蒼涼。一葉驚帆下夕陽。腐鼠功名  
踰十稔。肥牛生計問三霜。綸竿欲泊漁汀少。蠟  
屐新殘野戍荒。惟有山公饒古思。幅函猶自寄

縑紉。

別羅克一章門

江天屬玉弄晴沙。南浦驛邊繫短查。撫劍心存  
宣髮壯。吹竽客散鵝冠遐。屠沽已決興王局。橡  
檟惟慙處士家。道在屏門誰下榻。饑驅若爲受  
風斜。

七月十五日

懷歸亦是古人情。飄泊東南獨遠征。舊鬼淒涼



迷宿莽。新官遷次泣羈旌。問心此日難焚芟。循  
髮當年悔請纓。底事枌榆休不得。偷生却負雉  
壇盟。

再寄徐巨源

慚同視肉恥犧紈。爲過厭原訪士安。載酒縱橫  
彫穀錦。式廬指顧落琅玕。座中烏几鹿皮席。花  
外小車竹籜冠。莫謂書成爰寂寞。當年會有譚  
芭看。

吳城望湖亭

厭原西盡北。廬嶽獨上危。亭對酒歌千頃光。  
分天漢色一泓。怒捲海潮渦。烟畦鱗次山容澹。  
澤國肩摩。水事多棋。棹紛黥誰噴。案捋髭祇合醉。  
顏酡。

蠡湖守風

拍拍長堤齧欲崩。浪花迴捲入沙層。宮亭事怪  
巫難問。廬阜吟高我未能。鏜鞳聲從舷底聽。飄

零髮向額中。憎湖山無恙杙。賦在繫纜鐵牂聞是檣僞漢時

樹誰識當年帝力弘

### 望廬嶽寄天池冰公

南紀繇來稱峻極。昏連磨竭朗禺中。障廻彭蠡  
一泓小。襟帶長潯九派雄。遠岫嵐添秋草綠。豐  
碑石落古苔紅。寺有御製周顛仙碑依微記得東林路。三  
笑幾時過遠公。

### 過彭澤

山城驛路帶汀沙。五柳先生此放衙。處士祇今  
無晉曆。狂奴何處有皇媧。孤舟寂寞征途宿。落  
日蒼茫古道斜。州郡勞人徒發慨。牛衣喜屬領  
軍家。

孤山寄家弟非晦弟次山人彥姪仍斯九  
則

崔嵬強對獨支頤。染就朱欄欲寄誰。漸喜書頑  
能遠俗。却慙騷絕更無詩。王家塵尾譚何易。南

阮。曉。竿。笑。豈。癡。風。帽。雨。巾。相。慣。久。洞。庭。千。樹。繫  
人。思。

江上

奔。洪。曲。泝。赭。澗。瀾。倒。瀉。荆。吳。浸。淼。湯。傳。響。枯。風。  
連。遠。戍。催。行。明。月。下。前。灘。十。年。牢。犂。漁。竿。穩。六。  
代。繁。華。蟻。垤。難。戟。首。蓬。窗。相。勘。久。岷。峨。荒。滅。斗。  
初。殘。

羅刹磯題壁

黃葉紛飛下夕陽。磯頭如瀑水湯湯。愁生髀肉  
依劉表。坐老威名憶鄭常。癡蠹聊分烏舅火。殘  
蹠莫飽侏儒囊。耕屠亦是前人跡。誰起筌臺問  
海桑。

縱陽渡

射蛟天子是何年。英氣蕭森怒浪邊。饒有金鉤  
殲水族。怪無丹藥駐神仙。名山空費祠官視野  
渚。曾驚鹵簿傳北却。彊功今在不爲傾。三雅問

長川。

采石酌太白

彫錦千純列石嶙。高蹤想像亦荆榛。懷鉛欲覓  
清新句。貰酒難爲放浪人。靈武倥傯方感奮。夜  
郎流落倍傷神。蛾眉亭畔江聲永。贏得虛名萬  
古春。

項王廟

八千虎兕自爲群。寫酒空亭一酌君。百戰身亡

無勺土。三軍淚落有歌裙。包羞肯鼓江東俊。得意終淪泗上勲。成敗繇來徒詰柄。降帆今古恨氤氲。

秦淮

閒拋衣履混蚩民。桃葉渡頭一問津。是處綃裙喧雜錯。憑誰粉汗看低顰。天韶自慣風流俗。感慨偏生潦倒人。寄語多情休買笑。鷓鴣嘯斷可聞春。



烏龍潭小酌同白二東父母郭司訓命侯  
岸柳臨風暮色沈。潭光如水接幽尋。鐘聲上界  
閒分夢。艇子中央獨激陰。世事多慵宜載酒。客  
心如澹可橫琴。當軒莫負清時賞。對景相將一  
滌襟。

繡君堂留別白二東父母白夢新吳汝明  
文學兼送張菊人令楚分韵得余字

同調商歌倍感余。半肩行李幾易書。那堪白戰

邀新侶。剩有清狂返故廬。捉鼻何須矜洛下。掄  
才真自愧蒼舒。相將惟倚漢南水。尺素頻看寄  
一魚。

寄袁亦文兵憲

有引

癸巳讀邸抄。袁亦文破敵滴水。甲午秋。  
亦文以執法爲渠帥所訐。知曩者領方  
風憾也。時坐鄧元昭簡討齋。促書陳撫  
軍爲却寄之。

荔子洲頭賦別離。風微可是似當時。蠻烟易冒  
偏乘障。江柝初傳且卧痺。自有才名高北斗。何  
勞論訛簸南箕。同人骨月如君少。鬢點霜稠憶  
路岐。

懷潯南汪徵五兵憲

書生頭白爲論兵。把酒庾關數客程。瘴海風波  
知涉早。漓江烟雨計行輕。才華自應蓬山近。旄  
纛空隨嶺表清。惆悵除書癡欲絕。難將旅雁寄

離聲

賦得客睡何曾着

霜天角鼓漏聲遲。七尺湘紋百爾思。勞雁空傳  
雲外信。荒雞欲奮袖中椎。欒槍起看參橫候。燈  
火依違燼落時。不寐長宵人轂轉。蒹葭如在望  
中離。

感衷

岑館牆頽薜荔枯。十年生計問駒駟。輪將短髮

磨丹鳥肯把方瞳對綠蕪。蹈海真成賢者恨。移  
山莫笑古人愚。青青衡岱燔柴在。理釣還堪護  
五銖。

江上寄祝李少司馬梅公六十

六十還山豈厭遲。朔風江上祝耆頤。都俞此去  
無園綺。唱和祇今有陸皮。崔骨仙仙宜露對。鷗  
情澹澹任波隨。黑頭司馬文章貴。劣得夔龍際  
運熙。

區湖投史赤豹庶常

江。空。雁。瘦。影。初。存。傾。盞。招。提。憶。舊。昆。幾。月。蓬。山。  
分。太。乙。頻。年。瀨。水。怨。王。孫。生。憎。坎。壈。顛。徒。壯。話。  
到。觚。棱。夢。亦。昏。相。國。難。兄。松。火。寂。新。詩。染。就。繫  
輿。坤。

同沈七飲于湖家孝章河采伯季山庄

登樓何處歎非才。十度悲歌憶楚臺。壯髮衰同  
寒葉落。深尊喜傍故人來。霜侵月後還留珮。火。

三十八  
炤更頭更上。煤一枕聊分蕉鹿夢。晨興又見玉  
船催。

芑公南遊胥江。尺木惕菴俱投以詩。公予

師也。用史庶常韻次之。

老着麻衣懺佛前。白頭雙槩五湖天。龍髯有淚  
聲隨地。鵲血無痕字徹泉。楚岫雲昏芒屨徧。胥  
濤月炤芑裳穿。談經可剩侯芭在。雪沒松東憶  
舊傳。

其二

屈注難清六斗泥。東皇有意倩誰追。青門半是  
留平種。白社曾堪繫遠師。多故懶餐衡柱藥。無  
根欲覓圃風芝。澧蘭公子思何處。哭嘯權教一  
淨持。

于湖挽張來初吏部二首

一壠殘雲雪後肥。泉臺可傍列陵歸。陳詩湯說  
關河舊。啓事空嗟穀洛微。地下牽裳真集蓼。人



間唱紉盡歌。薇床頭束簾。遺書在淚眼。燈前認

寶輦。

公成進士初牽絲大行奉使秦楚尋分曹吏部有詩集存

其二

哀夢漫灑坐青甕。澧芷江湖護此生。破國十年

同野老。傳家一硯是編氓。籠芻遠赴悲玄冢。騎

尾高歌壯玉衡。鈴唱山松徒掩鼻。揮毫爲續哲

人賡。

公旣而外轉分司楚浙自是國變矣故及之

聞劉二無文死東粵賦此代輓

少年書社憶山南。過酒墻頭擊鹿談。壯志霆驅  
曾遜爾。英風虎嘯亦推男。泉臺路杳心如醉。漲  
海波沈髮尚髦。仙去端明疑信半。嘹空鸞雀可  
聞驂。

與家孝章

依然烟井侶吾廬。晝染湖光夜對書。尊酒留連  
追北海。土風淳朴似南徐。女蘿力弱松喬畔。孫  
竹胎堅雪凍餘。老馬穿來途逕盡。願回清夢到

窗虛。

乙未秋日錢大宗伯牧翁呂銓司霖生史  
庶常赤豹陶康侯侍御沈仲連司李同  
集虎丘湯賦

浪說金精炤闔閭。那堪興廢又居諸。吳儂日蠟  
遊人屐。野老初脂長者車。酒政相逢追雒社。騷  
壇各自感坤輿。緇冠羽服今成俗。清夢何曾到  
碧虛。

賦得天寒有雀守梅花

寒吹獵獵到南枝。鐵幹遙分禹廟奇。引吭不須  
嘈翡翠。梳翎爲許狎伊尼。霜清画角宵騫候。月  
落荒臺夜唳時。癡去却思羔鼎薦。孤山片石問  
誰知。

吳江舟次續潘邠老句報陳皇士

滿城風雨近重陽。寶帶橋西葉落黃。強醉逢人  
追栗里。徵歌自我學滄浪。毛髮看劒芒爲障。眼

工部  
卷三十一  
倦拋書夢是鄉。逋客不須租吏至。寒江一路已  
蒼涼。

塘棲懷陳皇士太僕

落日寒生伍相潮。葑門百尺記嵒嶢。吹竽客謝  
溜。澠別擊竹人存。雨雪濂縞帶初盟。分後夜。布  
帆無恙憶今朝。黃花不斷征輶路。野水塘棲對  
寂寥。

訪來元成掌科于長河信宿齋頭示予易

圖說春秋論著賦謝

長河水。遶接西陵。小築方塘。半畝塍。偶向柴門。  
尋履跡。薄分秋色。到衣棱。羲爻圖燦。天心見。魯  
史編摩。國是憑。眼底康成。玄對遠。挑燈展讀。幾  
回興。

石梁觀瀑爲虎丘釋雪珂

蒼虬如棧架。巖隈萬玉寒。奔壑底雷響。落潛鱗。  
知暑氣。風高飛霰上。晴枚饒吟強。借豐干舌。嗣

法誰笑智顗灰。三笑危橋欣濯足。生公石畔有  
龍媒。

真陽與張崑承別駕

平山堂畔艸離離。屈指風流孰我師。買醉還期  
羈客共。論交惟許古人知。歌殘永夜悲龍馬。病  
卧荒臺笑鳳鴟。戴笠乘車真爾爾。相逢却媿佩  
江離。

祝沈惕菴五十初度

銅狄摩挲幾度春。攬揆五十正初辰。塵分濁世  
難歌鳳。座滿清流異脯麟。絳縣自能週甲子。玄  
家何事守庚申。南陽菊水依然在。却憶遼東皂  
帽人。

鴛湖李子龍枉辱南邨以詩見投次韻會  
之

潦倒難消濁世豪。懸鶉恥唱鬱輪袍。甘心草市  
尋山屨。作意天風任海濤。盤折生猶增九坂。夢



竟飛不到三刀。南湖亦有鵲原在。穩把霜菰對  
白醪。

同沈惕菴劉遠公聞公夜集利見水亭看

月次劉璽卿西珮韻

利見精岐黃術

策杖頻看過短橋。橘黃如暇不須招。當軒正訝  
方塘潦。對酒還憑顧渚消。好句難分將月落。野  
情無奈又風撩。相期莫負裏民約。知隔城西第  
幾條。

宛陵與蔡芹溪

柯亭容有舊知音。宛上風烟一屢尋。避世初緣  
諸習性。裏湘豈是戀空吟。寒飈寂寞秋燈夜。明  
月浮沈野水心。匡坐惟君披對爽。所思遙托在  
高岑。

客宛投家次仲拜寄其侄尚白比部

偃蹇還披六月裘。那堪千里問梧楸。論心我已  
卿慙長。比德君非或與攸。三徑蒿萊隨榻下。一

簾風雨杖樽酬。縣知莫負昭亭賞。爲報阿咸幾  
字留。

與梅季升

野水浮舸上急瀧。敬亭秋色老難降。東榮喜卜  
都官邸。北道新傳硤石江。梅季升讀書處漫擬青山慙

負郭。還憑赤幟樹高幢。廬陵舊是同聲地。細數  
燈前影炤窗。

贈高阮懷

茸茸難爲別。種種他山石。杳倩誰攻。江沱愧我  
辜蘋藻。宛句多君駭。鼓鍾野色高。樓空載酒秋  
光橫。潦好支筇。詩成擊鉢。同人賞。常侍到今幾  
代宗。

與梅幼龍

矢箴猶聞繡。焚賓君家聲。調駭笙鏞。桐枝若爲  
秋。飈老楚璞難將壘。土封芒屨分寧筇。可在  
乙丙之年。龕燈宛水石爲供。話殘却憶當年事。  
流離寧州

龍幼

茶蓼驚心萬里重。

與沈方鄴

牙戟崇開舊節旄。五陵家世冠江臯。戈車不獲  
殲狼尾。老筆猶堪集鳳毛。幾度登壇歌白雪。莫  
徒對酒看青袍。金門亦是風波地。籬菊關心首  
倦搔。

與蔡玉立

不聽螭頭響夜籤。且憑烏几味晶鹽。青筠種得

垂鸞尾黃菊開逢插帽。簷喜共盤餐。瞻格老能  
無法律鬪詩嚴。郊垞一築衡相望。羸馬風塵興  
待添。

丙申冬日同蔡芹溪葛元士郭命侯訪融  
公于明鏡菴時蕭閣有汪潤舍俱在坐  
次蔡韻

背却龍嵒又此菴。潺湲聲裏佛燈龕。我勞已慣  
尋僧屐。事往誰爲問屈潭。水色山光容易醉。松

枝柏子故同慙。縈懷莫負霜楓赭。似勝桃花三月三。

次蔡芹溪誌別

騷壇愧我力難任。白戰逢君摩壘侵。幾處星霜同看劍。十旬風雨益霑襟。多情久已資攻玉。有道何須誓斷金。彈鋏誰爲憐客瘦。爐頭夜火聽脂鬢。

喜葛元士至自山中

江天風色動淒吟。喜見寒花出晚林。野雀輪君高有骨。山雲似我懶無心。隨翻好句題機錦。莫問烹魚漑釜鬻丹鼎。知嫌勾漏遠。菊潭芬似勝黃金。

送郭命侯歸里

楚水吳山一棹輕。年年燈火憶同征。涼烟萬里迷南北。孤月中天看晦明。康濟憐余華髮在。新篇望爾將髭成。故園農圃終無賴。莫負蕭蕭班



馬鳴

客宛懷張與瞻

搖落年年上客舫。惜寒誰復念綈袍。好山看去  
嘗憑几。明月經時獨把螯。迢遞關河孤劍在。依  
違江郭斷鴻高。毫牋染就知難寄。忍問繁霜點  
鬢毛。

和陳皇士懷友詩二首

伐木吟成寄素遊。松筠憔悴半傷秋。同車美女

遙相慕。異地王孫各賦愁。九月涼風穿客袖。三  
江清露冷漁舟。知君盟得鷗鳬侶。樂事天涯共  
唱酬。

其二

同遊星散。悵懽娛。繭足荒山。興累孤青鳥。西飛  
迷嶺嶠。紫鸞東集。慰菰蘆。詩題郢雪。招嘉客。醉  
向高陽覓舊徒。一棹就君談伯畧。元龍胸次富  
雄圖。

重陽前三日同喬敬五陳孝將金孝章俞  
無殊陸翼王袁重期程杓石張霍民申  
莘民家又王集仰蘇樓送倪天章之淮  
分得秋字

淮水湯湯接北流。吳門千里問歸舟。  
黃花遶砌方垂葢。白露催寒正打裘。  
古寺相看麋跡散。征帆不斷雁聲悠。  
一尊無計留君住。蓼岸楊堤樹樹秋。

重陽後一日社集合綠堂次家又王

醒醉東籬興未闌。閒將樂事再游盤。授衣時切  
砧聲急。出塞風高。雁字寒。制作無虞騷雅在。江  
山留得酒杯寬。青尊紅燭相淹晚。百尺樓邊月上  
欄。

送顧螺舟浙遊

寒山惜別憶同仇。取次尊前計石尤。分得觥船  
終短晷。怕看檣艣又殘秋。香風十里堪留句。故

國經年亦動愁。去住惟君頻繫念。如今彈鋏正何求。

山右喬簡襄寓次言懷并誌別

憑君斗酒餞溪巒。把袂深談識不刊。見說黃沙  
逃戰氣。可容白日老漁竿。襄陵山水知津易。吳  
會舟航惜別難。若度太行應駐馬。珍珠酒熟續  
今懽。

讀淮南顧同叔詩率賦答謝

莫厭荆榛惜佩刀。相看雅許樹旌旄。涓流應失  
江河大。燭火難爭日月高。舉世通云探虎子。問  
君誰復辨鳬毛。南金自昔稱環寶。一辨香酬敢  
憚勞。

與李石臺督學

鄴侯華胄舊知名。攬轡衡文氣益橫。六代山川  
供具眼。千秋詞賦藉長城。探珠已入驪龍穴。買  
駿爭看騏驎鳴。會說江東桃李徧。賴君故里亦

春生。

送家尚白督學山左二首

方春桃李向君妍。夾道東風榮戟前。閣倚蓬萊占氣紫。泉分趵突注毫鮮。十行無復留竿牘。五色須教炤几筵。菴說濟南遺韻在。仙郎仍是白雲遷。

其二

紛署從容退食遲。洋洋重唱大風詞。百年禮樂

與吾黨。一代風雲實爾司。鼓瑟寧甘違俗好。傳經雅喜獲新知。侯封臨濮前賢舊。闕里摩挲認版碑。

### 和楊弱生載花易書

蛟島名軒憶昔賢。

坡公謫瓊海有茉莉軒

爲書隨上米家

船。漫矜粵女縈新縷。且喜阿蒙失故筌。萬疊君憐瓊朶去。一枝此對綺疏妍。虞山鷺渚盤灘遠。話本風流賴爾傳。



敬亭社集用楊弱生載花易書題次虞山

先生韻二首

種得奇葩半爲書，清時藉此樂三餘。已分香色  
留芸閣，看取娉嫏下露除。窗映粉痕疑玉蕊，風  
來蜨翅傲衣魚。縑酬瓠借終成陋，問字還空楊  
子居。

其二

歐譜璣疏滿畫船，山砮水落正洄沿。幾年書散

凭欄思。此日花開對帙眠。藜火漫隨層閣炤。風。  
姨。好。護。五。車。旋。同。人。遙。憶。還。爭。羨。南。浦。歸。來。信。  
是仙。

已亥除夜感懷和家孝章韻

斗帳風迴五夜餘。那堪搔首又春初。浮湛世事  
唯看劍。消盡年光賴有書。澤國蒹葭成迭聽。醉  
鄉圭瓚喜新除。三分籌策還相笑。抱膝誰云愛  
此廬。

穀雨日訪胡允右飲秀園信宿齋頭次主

人韻

關。珊。花。事。正。愁。余。屏。當。春。風。到。版。輿。遣。興。惟。消。  
千。日。酒。歇。狂。依。舊。一。床。書。茶。烟。午。過。松。濤。寂。藻。  
井。風。高。語。燕。疎。驚。坐。縣。知。非。昔。偶。判。分。清。夢。卧。  
宵。虛。

答家次騏見贈二首

潦。倒。惟。堪。一。醉。空。難。分。帝。虎。辨。蹲。鴟。空。梁。有。句。

能消妒。匹錦無端愛是癡。肘後千金逃自我庭。  
前柏子問堪誰家雞。野鷺隨相笑。火到邯鄲任  
爾炊。

其二

年年罷瘦不勝衣。老我何如策犢肥。見說南華  
還莽蕩。可堪東郭對。歛牛腰。穩束犧紈有蠹  
腹。饑填脉望非。一夕瀟湘公等在。剝竿倒盡待  
君揮。

詠牡丹

忌國色天香太真西子錦繡脂粉  
耀首膏唇等字面

愛殺延州朶朶紅。群英歇後冠春叢。繁華可是  
窮賔主。品目繇來聽匠工。見說褒斜堪縛馬。得  
分興慶好臨風。還拚醉眼當筵看。檀暈初舒影  
正中。

七月十五日同蔡芹溪梅季升高阮懷梅  
幼龍梅子長家次仲愚山汎月宛溪得  
十一尤

碧樹涼生枕簟秋。輕舸如葉穩中流。橋邊波浸樓臺出。簾裏聲隨梵唄收。幾度潮洞迷下上。一尊婉婉好倡酬。浮雲無盡滄洲遠。何處年年狎此鷗。

喜家愚山歸里次蔡芹溪

乘軒使者去何年。此日歸來一釣船。廳事如初還習儉。藜羹依舊許同玄。填門客至盃常滿。遶膝兒多履尚穿。不是孤藤親再眺。憑誰說與破

雙顴

祝林玉樹五十初度

甘谷長滋盥漱安。素書天與秘琅玕。芝英好向  
仙田種。雀性還空海嶼寬。已卜江城開五柳。何  
須皂帽戀三韓。攬揆此日聞思過。水碧如君不  
用餐。

庚子平秋後七日屬有江州之棹家孝章

銓臣輩各製詩一章潤行次韻畲謝

鵝鵝南翥正高秋。黃葉西飛水咽流。欹帽方思  
籬菊酒。辭家却上木蘭舟。投書渚畔愁充信。喚  
渡亭邊記倚樓。數徧江程歸夢曉。關心惟有舊  
池頭。

江行三首

駭浪奔虬鼓十尋。西飛六轡半啣陰。孤帆遠指  
梅根月。獨客長歌桂樹心。沸浦徒喧官道轍。分  
風亦媚賈人金。漁鐙市火爭明暗。若個鍾期是



賞音。

其二

是處秋容占客舫。可堪風味續臨臯。瓜廬老却  
閒中月。戍火重經亂後濤。立水春鋤愁未穩。橫  
灘郭索笑徒勞。蕭條一葉寒波動。倚楫長吟拂  
短袍。

其三

寥天一水浸行舟。撥棹相看鎮日流。古岸苔痕

隨晚炤平林。鳥語自深秋。光寒湧入衰容。鬢袂  
短頻驚舊帶鉤。七十二峰山色好。卑飛却爲稻  
梁謀。

江州初泊天池水。公忽枉辱兼留宿。清風  
閣依韻答謝

篷窗細雨坐披襟。冥對匡廬寄此心。拄杖何知  
賓雁過。編欄猶作莫蛩吟。香焚柏子鐘初動。鼓  
散譙門露欲侵。禪榻一弓清興遠。不堪城角聽

蕭森

江州感事

秦關聞道落欒槍。鄂渚樓船正治兵。劫火初傳江路析。降帆已散麗人箏。難推鼠獄憑荒史。忍聽烏棲到廢城。同是琵琶京國淚。傷心却向斷垣傾。

喜李惟饒得雋口號呈梅翁少司馬

江城雷動捷書馳。正值山公把酒卮。麟角原分

天上種鳳毛。依舊謝家池。風生南浦聲初震。齒  
到滕王序最卑。華胄通門何所羨。賴君故里得  
名垂。

西江得雋者  
序齒滕王閣

### 庾樓

刻稱當垣四望通。樓名還是舊元公。登臺漫說  
方州重。嘯月誰兼楚部雄。九派江聲徒飲馬。千  
家山郭盡哀鴻。揮塵也悉元規陋。此日遙瞻涕  
淚中。

香山花徑和汪雨若父母

浮烟一水轉晴灣。千樹繁葩萬徑山。  
歌扇已隨楊柳去。藥爐猶染草堂斑。  
空餘古木名存晉。剩有啼鵲語帶蠻。  
擬結茅茨峰下好。東頭却愧屋三間。

庚子除日大雪同楊非儔廖師古葉清文  
夏抑公守歲桑落洲得春字

老却風烟又一句。鄉心消盡鬢邊春。  
梅花只遞

寒香信。柏酒重看稊齒人。何處絃聲催夜漏。漫空雪色炤江鄰。柁樓三疊鴻分翥。誰試珍盤薦五辛。

贈馮歉然明府

鴻名雅許獨登臺。百里何堪屈駿才。解組歸來常作客。盍簪無處不啣盃。囊分宛句溪邊月。擔插羅浮嶺上梅。風度如君家世遠。星文莫認蒯緱猜。

其二

瘳陰黛色黯征鞍。行部曾經露冕看。共喜瘡痍  
甦海嶠。誰憐髀肉老江干。軒裳已閱三遷幻。俎  
豆平分一席難。博羅增城兩邑祀公古戍盧龍遺澤在。爲  
君却憶舊纓弁。令祖少伯公舊備兵密雲與先天虞伯父庚戌同譜

喜晤陳石莊刺史

牢落頻年歎濕苓。湖風湖雨又冥冥。山違十里  
空齊女。巢寄一枝有魯靈。欹筇非無車馬駐。橫

門預喜履綦經相逢莫話匡時事屠釣而今已  
築垞。

鳩茲坐傳度山掌垣歸舟話別

霜炎寒茅宿露涼。夜闌江畔一歸航。雲山有夢  
思臨汝。身世無緣到建章。得計真同鳬貼穩。多  
情難謝麈揮詳。遙遙赤鑄中江水。把似高風殊  
未央。

賦得秋天不肯明



燈火青熒白版居。輕寒側側到吾廬。思成怪幻  
眞陽羨。事半荒唐。屬子虛。殘月屋梁霜。信斷溼  
雲譙。鼓漏聲餘。蒙茸料得連衰草。痛哭興元幾  
字書。

寄魯孺發撫軍

五嶺攢雲作帝丘。老成節鉞賦同仇。星言初稅  
梧山路。秋徧新平荔子洲。經術生涯襟吏治。禡  
牙風藻敵王猷。魚頭舊是君門事。畫粉垣西擁

旆遊

送錢馭少大行使江淮次瞿韻

漢禽寧愛老南枝。悵望河山異昔時。宛洛人龍  
歸。謹厚江淮子翼學。栖遲尊前露冷綈袍戀眼  
底。風嘶介馬馳。盤折羊腸君萬里。石頭城畔最  
相思。

讀沈惕菴再晬詩賦答

寄愁天上亦無聊。續賦騷經擬楚招。大雅胥淪

甘鼎俎。浮名誰計。樂漁樵。霜柯凌雪。千尋勁膏。  
穀脫膚。七變饒。剩有灰毛。湧滌淨。漫言忠孝。任  
飄搖。

### 清涼山

幾年閒殺悶登臺。四顧蒼涼。落日開。草昧經營。  
歸聖主。英圖割據。盡凡才。徒誇吳楚。東南勝不  
阻。荆淮頃刻哀。寥廓周垣。卑削現。無勞遺老。痛  
聲來。

石頭夜泊

長江南下盡卑垠，鼎峙孫郎差可人。  
秣馬淮淝常拒敵，方舟歸峽亦敦鄰。  
偏安尚冀千年遠，大統能無一局真。  
最是傷心難問處，寒燈譙鼓憶庚申。

鳳凰臺

培塿端然傍女牆，簡詩爲問謫仙郎。  
籬邊湯爾留雞犬，臺畔何曾下鳳凰。  
魏國青楹徒對字，鍾

山紫氣尚盈。睚登臨正值江楓冷。斜倚亭亭看  
夕陽。

賦得相逢盡是歲寒人

相逢盡是歲寒人。把酒爲君慷慨陳。白恰無心  
書甲子。黃袍有意記庚申。燕雲路杳津誰問。嶺  
海波長石不磷。却憶揮椎年少者。青銅猶照膽  
毛新。

庚寅薙髮

十年結髮學彈冠。馬上君臣接浙安。經術難消  
烽燧急。生涯惟仗鼓鼙寬。薊門雨雪風中暗。嶺  
表烟雲霧裏寒。力屈猶慙予節薄。搔頭癡絕淚  
欄杆。

自弁

阿含經十橐駝力。不如一凡象  
力。鴛崛髻經百白象力。敵一龍  
力。淺深重輕。夫固具體而微矣。  
余少鮮師承。長勞鞍馬。漢魏而  
下。最契輓近。一代風會所關。角

材距智。同堂比肩。或當仁而不讓。或建鼓以並驅。香象神龍。天矯撲跌。要述吾胷中。眼中兀兀。不可磨滅之。鷲猛雄剛。其未得而見者。層層香霧海。呵護有金翅。毋徒曰羊鼻公。嗜醋芹。一見



而欣之爲癖也。吉水施男。

耶竹杖

姓氏

劉湘客

字客生一字湘帆陝西漢中府人

楊廷麟

字伯祥號璣部江西臨江府清江縣人

劉大樸

字無文江西吉安府萬安縣人

劉日襄

字天孫一字放雲湖廣武昌府江夏縣人

倪元璐

字鴻寶浙江紹興府上虞縣人

叩竹杖

吉水施男偉長編

新建徐世溥巨源閱

劉客生

韋暹神廟末樞曹椽年八十七山居畝種爲余  
言芝岡拜命日秉尚方衣麒麟賜服鼓吹出春  
明談者啞啞彌月而怨亦朋起烈皇時尚方褻  
如鈞矣因憶劉客生詩西風馬耳立淚與酒爭

觴轉戰無中土。出車有尚方。宵烽填塞路。寒霧  
蓋江鄉。去住皆顛顛。何從問鷓鴣。可稱詩史。其  
他如已失扶風右。還傳上郡西。停尊方寸亂。問  
路百尋迷。伏櫪悲龍馬。山冠冒鳳鷄。遶鳴方匝  
匝。何處可容栖。別離當古寺。尊盡惜霜烟。恥蔑  
懷中刺。學彎馬上弦。南山崩獸角。東井視狼肩。  
聖主徒憂悴。難憑厭亂天。同衾失出處。南北改  
轅時。明辟憂無逸。朝臣樂欲疲。鵲鵝疇解測。蟋

蟀自吟詩斜。炤桑乾水潺潺。古別離七言如文。  
章寥落。休疑世意氣。高歌且掩扉。心孤江上書。  
難寄。齒落燈前字不驚。野鳥無須驚五伯。風聲。  
正自惜三郎。浪粘廣漠天無壁。風送斜陽日有。  
繩。烟雲十八灘頭綠。齊魯三千望裏青。高樓萬。  
里三人醉。叢桂雙江九月開。相思後夜還非遠。  
寂寞荒簷月炤低。不信文章能立世。相逢各自。  
愧漁樵。無須更問剡溪棹。風雨蒹葭好寤聽。江。

村月上林烟閉。只有漁人理釣絲。却羨無知如  
草木。長心一帶逐帆開。哀時矯掌辭王伯。丘壑  
分茅乞子男。明朝過嶺風烟隔。夢折梅花共賦  
詩。僧歸中食嘗侵晚。城角風吹夕照蟬。悲壯沈  
鬱。真北地能手。出癸甲之際。艸間在五嶺作更  
繁。音節更亮。一字不落人間何也。

楊清江

初九日戊申袁亦文兵使招飲語及黃漳海楊  
清江兩先輩周鼎商冀望爲環寶漳海不及見  
清江余師也兼山集久膾炙人口晚年益沈麗  
婉則感會投贈怨而不怒哀而無傷間有未鐫  
者余追而隨筆之五言律如葛州道中筮志求  
吾素容身慕石頑寄車勞爨下問影急流間鳥  
讓炊頭路龍疑雨後山主恩慙未報空向穆陵

關枯火。然新葉。秋星上。阜衣相逢黃髮盡。獨羨  
白蒿肥。乳虎猶能怒。蜚鴻未肯歸。但憐樂歲苦。  
真悔力田非。懷人秋水遠。熊豹漫相招。幽谷終  
神聽。公田任莠驕。南飛無定樹。東徙尚聞梟。以  
此御窮日。寒絺助寂寥。繫援初不涉。魚雅復何  
成。學道知非晚。憂時涉險輕。危枝柔雉步。雌肉  
飽豺聲。徒有葦戈在。終慙匠物名。洗心詩天地。  
已如此江流。不暫停。椒蘭怪曲水。沙石見明星。



雙槩開蒲路。千山響鮎亭。鈴墀初靜處。夜氣入。  
荒汀。老樹頻聽雨。青山終不言。枯龍還野性。明。  
月落秋痕。天定雷歸壑。風高水在門。此身浮一。  
葉。隨意過前村。坐卧荷花裏。乾坤一化廬。蓼田。  
秋沐後。江樹火明初。規髮看河影。聞鐘卷道書。  
移情何處着。鳥獸已逃虛。啼笑春風面。浮沈秋。  
水心。美人如可見。獨寤且閒吟。不悟龍蛇起。安。  
知堯舜深。縣厓溜萬仞。終古此遺音。寒夜三呵。

後酸風五斗來。皇天豈有意。野馬不須猜。日月  
忘豺虎。魚蟲混草萊。恒知青犢怨。莫向枕流迴。  
瀉泉注仄地。盈尺足波濤。以此憎蛙智。誰能伐  
蔡毛。移山費虎怒。緣木習鯁勞。不見疏園者。平  
生謝桔槔。渡青閣賦別故人。今夜去。獨此歲寒  
心。酒熱聽霜落。燈炊放楚陰。空江人語細。明月  
棹歌深。抱甕真吾事。逢人問漢陰。去住渾難定。  
登樓復惜群。望山飲遠火。逝水慕歸雲。石岸淙

流急沙城鼓氣聞。爲求吳市隱。何以事吾君。憶  
君不識路。計日石城西。吳越方饑饉。荆舒尚鼓  
鼙。山知小隱處。春滿若耶溪。却念東門子。衰風  
理藥畦。浮人同作客。草木恕吾非。水碧號花冷。  
田麋識雁肥。孤舟風隧眇。高閣夜星稀。莫爲剡  
溪好。留連未肯歸。送龔司李之普定。王者敦荒  
服。通賢歷大州。異科傳內殿。高等拜前酋。春酒  
三湖雪。寒江一葉舟。十年兄弟意。微外有君疇。

土物西南異。衣冠雨露同。蠻長仍荆國。戎功似  
召公。五溪分鳥語。諸部接蠶叢。夷簡材猶者。春  
風化犵獞。殿柱書名日。僚官半在門。山城開水  
石。竹嶺飽黃昏。租稅王風儉。詩書漢法尊。誰云  
杖節遠。萬里識君恩。挂榻分餘夕。離思滿布衾。  
魚飛三楚冷。花入百蠻深。敬德吞虞命。歌風悟  
禹心。當時出處異。諷議托徽音。晚渡南浦。西山  
開落葉。北戶枕清流。野樹深魚氣。秋蟲聽客愁。

風流孺子宅。江浦謝公樓。誰念燕庭夜。荒涼望  
義州。幽懷誰與共。抱影問漁磯。明月蕩秋草。寒  
花溼葛衣。山深衆木合。雁過一星微。澹渺知何  
極。悠然可樂饑。南浦賦別高皇百戰後。風雨此  
登臺。莎草聞鳴馬。秋亭續古苔。心當禾黍盡。人  
向雁鳬開。今日西山跡。悠悠安在哉。警句如風  
前。頻筮虎。霜後獨炊茶。精神天地在。穆卜雨雷  
知。禹鼎烹衰鳳。堯階饗佞蒲。高屋終多懼。勞雲

不易開。皇天終不改。丞相莫須臾。黍稷懷風長。  
著龜閱物深。客從鳥語誤。水厭苟心苛。亂後馮  
狂寢。憂來且嘯歌。桅檣茅屋外。鐘鼓雀巢邊。生  
事依潮汐。冰心畏鼠鳶。草蕢辭山少。江深拔刺  
難。桐花明月落。靖戶夏蟲愁。幽人無辱夢。高樹  
識歸雲。信宿魚龍夜。縱橫沙雀軍。南北同桃梗。  
乾坤半陸舟。宿莽寒心壯。飛濛雨力留。殘碑蒼  
水夜。雄火白鼉風。稻廬多水鳥。澤國事丁男。浴

雨三山外。分風七里前。楚水猶秋客。浮生寄核  
舟。十年聞趙叔。一往愧鄒男。野情依歲冷。水氣  
飲梅多。化書深日月。寒閣領山川。南北秣梁盡。  
江湖燕雀頑。酸風吹鈍草。未雨歎飄搖。但使刀  
牙在。亡言天下才。世道懷梁肉。交情歎喜苓。七  
言律如贈人歸白門。海門西去故人船。薤簞涼  
生落石前。薊北書傳青玉案。山南人在白蘋邊。  
沙城五月吹魚雨。火戍三江蕩楚天。可記蘇公

舊隱處。滿湖風草。祝轅田。臨淄道中。送成侍御。  
樹下停驂。歎別離。奔車風裏。自支頤。歌逢堯舜。  
康浪老。夢到申韓。涇汭悲。不信檀弓。長廢後。猶  
聞爾雅。誤生時。相看幸有南冠在。折簡無勞譯。  
漢碑。殷勤羔雁。謝桃弓。落翮山前路。不窮故國。  
笙竽荒草外。行人刀劍亂流中。蟬心詰曲。延秋  
日。柳氣飄搖。動北風。馬上聞雞知爾意。可將樓  
櫓向關東。渡淮入黃河。驕雲吹浪上魚蓬。落日



寒牽苦葉中。鳥路盡盤青。箬水人家半飽赤鯨。  
風回頭錯認北山北。翹足愁看東海東。關外轉  
輸勞衛尉。頻年征戰久亡功。十五夜江邊明月  
老。漁烟穠李繁燈異。昔年舊國留連寒水外。同  
人珍重落花前。共看火樹尋常夜。獨對春風三  
五筵。諸將只今誰轉戰。不堪烽燧滿山川。閩事  
西風黃葉下。秋原井巷猶聞百一存。白鳥城邊  
荊棘夢青山。亂後虎狼村已知殷武。開南嶠何

處狼奴望北門。自是平生羞管趙。不須回首問  
文園。過惶恐灘有感。樓前水氣與雲平。散髮披  
襟自在行。野鳥知人猶未息。寒風獨夜不勝情。  
空山夕照深江樹。明月灘聲下石城。愁盡關河  
極北望。如今虎豹正縱橫。梧風楓雨鬢毛斑。坐  
嘯沙蟲盡日間。強醉逢人分木葉。牢愁亡奈看  
秋山。鵲猿自在灘邊宿。江漢飄零夢後還。遂使  
南州爲異域。群公何處築函關。射獵山頭問泛

鷗幾村風雨付滄流。隼旌盡遶山前路。豹尾高  
盤葉上舟。坐嘯獨看孔。渤海悲歌。猶向柳司州。  
匈奴未滅家何在。敢爲秋山賦遠遊。投李孝原  
尚書。朝聞驛使向江樓。虎韞魚文耀列侯。胡服  
晝侵南浦雨。漢家雲護北陵秋。崆峒嶺下看雙  
節。天柱灘頭領八州。今日傳呼新僕射。秦淮依  
舊擁貂頭。詔趨入直鳳輝堂。裏詔初回魚服昭。  
弓次第催江上庾。陶瞻楚節禁中頗。牧愧周才。

石城鉦鼓三山靜。京口樓船萬里開。况復聖明  
勤遠略。大風猶向掠鷹臺。丙戌元日。黃華嶺外  
瑞雲齊。白鷺洲前戰馬嘶。五道將軍臨直北。三  
江父老望征西。春風斗帳降同馬。細雨戈船鬪  
水犀。此日建州吟行舞。近臣應解賦鳬鷺。朝元  
帳下領齊班。稽首春風動百蠻。九葉雲雷開萬  
國。一時江漢擁三山。宮中勝帖盤龍出。仗裏勞  
尊藉草頒。從此鎬南傳盛事。年年虎豹渡天關。

督府東行同諸子有感。畫舫風雨下春洲。夜渡  
崑崙笑細侯。幾處旌旗瞻漢節。群公劍履滿庾  
樓。故園烟火頻西怨。嶺表魚書盡北流。此日燈  
前容易醉。忍將簫鼓謝吳鉤。觀梅高樓夜夜梅。  
花曲吹盡燈前竹葉杯。今日春風能幾醉。滿山  
寒雨莫相催。卽知自在江邊老。亡奈愁逢亂後  
開。五十年來芳艸路。一時流水聽春迴。中秋夜  
坐章貢臺。橫笛中宵動客星。一聲勞雁出沙汀。

瓦燈未免聊同俗。匏酌何須歎獨醒。萬戶笙歌  
同夜戍。百年風雨此秋亭。諸公已草平胡檄。欲  
薦蒲漿靜北庭。丙戌九日。忠誠南樓辦賊。示將  
佐。兩年同作異鄉身。九日重留望闕津。虎帳夜  
深黃菊酒。葛衣秋老白醅巾。將軍話笑多文吏。  
群盜縱橫半舊臣。羨爾驅南浦者。依稀猶是  
太平人。年年羞見菊花開。十度悲秋上楚臺。半  
嶺殘陽嘶樹落。一行斜雁向人來。行雲永絕襄

王夢野水偏傷宋玉懷。絲管闌珊歸客盡黃昏。  
獨自詠詩迴。河西獵火照高樓。五嶺風光異昔  
遊。木葉看雲寒戍晚。菊花空雨漢宮秋。山城野  
幔開三市。江表輕裘署九州。旦夕功成莫釀熟。  
憑君一笑舊田疇。與李孝原尚書鵲印初傳詔。  
尚方元戎小隊繞文昌。江淮草木思方叔。吳楚  
山川識李綱。明月袞衣諸將入。秋風獵火角城  
荒。爲問故人珍重在中興。自古舊南陽。彭丈見

懷武山濂水自憐才。偶爾夷門杖策來。健馬秋風鳴獨柳。勞思夜雨上條枚。芑田宋宋新軍靜。盤道深深舊鬼哀。同是白鷺洲邊月。何時重浣菊花杯。領軍使過青蓮山。有感七月登樓涕不禁。重來十月倍傷心。溼梢夜火悲勞草。秋石枯蠅下渴碁。狐鼠晝跳城郭在。烽烟人老菊花深。只今不敢招鴻雁。何處江邊識舊城。山前鬼火宿愁雲。處處灘流不忍聞。癡掾未堪逢白醉。龕



官依舊笑玄文。梁王關外三江卒。都護營中八字軍。猶憶向時明月後。寒風吹盡惜離群。警句如鸚鵡。洲頭黃蘗葉。蒹葭浪裏白鰓花。捲將細草湖邊雨。灑盡寒山雪夜灰。人問姓名家漸遠。山迷面目鳥先聞。傲木寧甘流曲影。頑鳩未敢祝妖弓。玄蛤早封鼯鼠徑。青霜飽嗅菊花根。七日曾霑鈴下草。半生誤讀火餘經。醉醒何關千日酒。清狂依舊百年身。古今小悟葭灰外。人物

終慙駟僧前。寒燈夜雨王孫意。醉眼春風慶曆  
圖。髮白眼青千日酒。江南塞北一孤舟。葦戟風  
前看健犢。篙竿嶺下夢枯魚。尋嘗經術歸農圃。  
九十春光付鹿麋。好鳥避鷹投密樹。疎桐讓月  
過斜枝。六月聞濤夏國寒。一泓明月溼青舸。亂  
離僭憤亡過半矣。丹山片羽蒼虬一鱗。珍之寐  
歌。南面百城足敵秦川百二也。

劉無文

詩以韻勝尚矣。而理失則野。文過傷浮。嚙指閣  
筆時。春繭獨抽。宋氣微炤。別字句于累黍。差音  
聲于毫芒。氣居體先。意越詮表。伸紙疾書。春容  
大雅。余友劉無文常研幾于此。領方氣候蒸熱。  
晝門長扃。夜月悲涼。胡床箕踞。影與我三。憶其  
度嶺近作若干篇。且筆且吟。不自覺其雞之喈  
喈也。盥而存之。十二日辛夷。五言律如龍口水。

宅牽千里濤聲日夜聞。沙平犁潔鳥嶺缺補勞。  
雲黃耳書難達。赤眉焰欲焚。鄉關不可到。蛇豕  
忍同群。盤灘盤灘百尺源。風雨帶晴喧。急纜雲  
巢引。危舫石隙吞。沙虛鷗自篆。衣煖蟲頻捫。慘  
澹空回首。愁看落葉邨。次堵牧遊設。榻向雲宅  
傷心又海塵。關河黃艸夢。天地赤貧身。度夜雞  
能俠。嘶風馬有神。餘生戈甲外。棘莽願爲鄰。洗  
硯裁得紫雲影。相攜自結童。學書忘丙日。開戶

正秋風、禍嫁端溪後，愁澆漓水中。與君身共潔，  
潦倒入詩筒。秋晚野航依旦莫，林壑接愁顏。風  
破雲千樹，烟籠日半山。當秋毛易白，作客面成  
頑。群盜衝湘裏，笨車未可還。龍門晚泊，百曲龍  
門險。初經客棹新，孤舟含石齒。夕炤吐山唇，地  
割黃牛水。人留白馬津，驅馳成底事。七日欲哀  
秦，舟眺兀坐堅。愁壁香消自啓軒，鷗鳬烟外浦。  
草木石邊邨，客路玄絲改窮愁。白眼存只今，千

里棹荒忽與誰論。舟曉可信天地濶。還憐山水  
偏。狂波烹淺石。亂樹挾寒烟。古廟黃茅外。柔帆  
白鳥邊。今朝留雨意。蕭瑟谷中天。警句如步月。  
乾坤牛馬驛。江海雁鳬情。密樹林如錦。危濤水  
自城。潮歸恬海性。鳥靜浹山情。草木雲千嶂。關  
河月一隅。七言律書李青蓮懷子房詩後舊帙  
窗前弔古頻。英風虎嘯尚如新。沙中指顧無秦  
帝。圯上周旋有老人。納履揮椎原一事。報韓興

漢豈分身徘徊風雨高踪杳太白當年未問津  
春陵旅愁濂溪夜火接烽烟客淚亡聊倍昔年  
舊圃雲深狐兔宅他鄉雨溼草花天一燈壁影  
留鬚髻半醉人前說鬼仙楚水吳山兵氣徧祇  
今誰洗斷流鞭溪外烟光過浦低支筇四望野  
情移新晴樹影橫輕艇舊雨苔錢覆古堦那有  
公榮堪對酒空憐子美自催詩繇來營道饒遷  
謫今日蕭騷倍昔時客舍花前倦倚闌家書強

就署平安。江山淚落難空舞。歲月愁深虎尚盤。  
河北諸軍旗鼓冷。灤西遺老水雲寒。蕭然萬里  
芒鞋盡。鏡裏霜毛不忍看。春陵熟食支離天末  
似輕鷗。令節空成客子遊。朱墨殘編南宋淚。清  
明萬里北陵愁。風前自落花亡主。雨外知歸燕  
有樓。回首螺川鄉夢濶。不堪荊棘滿荒丘。晨起  
偶成。不言溪畔負三春。旅舍次且澤國人。曉夢  
桃笙紅淚溼。晴窗竹影墨痕新。狼烟日逼生何



貴馬齒年加骨尚貧。豈是天涯知己薄。文章莫  
濟。亂離身晚步。寥荒一榻卧苔衣。散髮行吟古  
釣磯。烟浦鳬栖玄幙穩。霞天鴉載赤文歸。胷中  
丘壑亡今昔。眼底河山有是非。却歎不如梁上  
燕。半巢兒女自相依。秋夜不寐。兵甲頻年歎未  
歸。他鄉月在故人非。陰蟲古壁呼秋渴。莫笛空  
山聽枕微。作客還如充遠戍。無家孰與寄寒衣。  
長宵不寐身千轉。曉夢初成日已輝。秋舫寒潭

碧渚夜深深。舊帙縱橫對遠岑。竹葉盃催雲鳥  
過。桃花飯罷水鷗臨。秋悲有淚難看樹。寒到亡  
衣不聽砧。極目幽淒蠻徼路。扁舟莫載故鄉心。  
旅思寄郭羽侯。僧介立。秋燈蟲外夢亡聊。坐對  
殘書歲月消。聽鳥因攤元叔賦。看雲悔上子微  
橋。兵戈客路生如寄。貧病蠻鄉髻欲焦。悵望椒  
丘烟水外。如今盜賊尚逍遙。迨署江頭把酒歌。  
西風此日洞庭波。漸看萬木彫林錦。偶寄輕航

數水梭。極浦霞深魚影沒。空山暮入鳥聲過。梅  
溪想像尊前興。故友天涯奈若何。旅夜秋庭屈  
戌響初更。獨夜寒侵氣已兵。小榻金奴風外影。  
空山木客雨中聲。聊持不落澆閒思。莫賦亡衣  
動客情。三十年來康水夢。只今笑髮未成名。賦  
得殘月篷窗夢不圓。張別山句龍火寒江漏碧烟。野  
航自入響淒然。愁吟莫榻淫魚外。病影秋沙潔  
鳥邊。草夢情荒空有夜。松燈路宋各爲年。張融

且向浮家老。卧對東南萬里天。警句如假宿茅  
店。寒雅亂樹江邊月。羈客殘燈牖外風。壁敗風  
窺愁裏客。宵深月問夢邊人。步月江上鵲外月  
穿蒼樹破。鳬邊風警碧沙忙。舟泊封川樹影寒  
窗燈落後。潮聲短夢月來時。舟中卽事漁舠雨  
後衝烟出。客路帆邊載月馳。短棹青山家萬里。  
殘燈白髮客經年。古岸漁燈星月外。寒宵雁唳  
水中天。噪樹芻尼諛客子。盤灘郭索走舟人。山

頭。潑。墨。雲。初。起。水。面。縈。環。雨。正。飛。萬。幕。章。江。鵝。  
表。斷。孤。舟。滴。水。犬。書。稀。白。髮。衰。同。千。樹。落。青。樽。  
暮。倚。一。江。深。陽。朔。江。上。石。插。浮。圖。妨。鳥。路。波。籠。  
玉。柱。劃。魚。天。鬼。丁。突。布。千。峰。穩。日。午。奩。開。萬。壑。  
縣。繡。壁。玄。猿。翻。霧。幙。雄。灘。綵。鷁。倚。山。城。旅。夜。有。  
懷。孤。城。霧。溼。環。銅。馬。萬。幕。沙。寒。殿。鼓。羊。燈。前。古。  
榻。青。山。夢。亂。後。荒。郵。綠。草。情。松。燈。一。榻。僮。兼。馬。  
桃。杖。頻。年。客。已。翁。一。窗。風。雨。寒。燈。影。獨。客。關。河。

古劍心殘燈角鼓。千家夢孤月。江天半壁心。夜  
雨荒階蛩夢溼。秋風古樹烏心寒。簷聲亂滴催  
更急。燈影亡聊對客殘。援江歎鹿門。城畔留黃  
霧。龍尾洲頭遶碧烟。半矢浮圖南入淚。一書海  
上仲連心。二月鶯花元結驛。經年狼火灌嬰城。  
濂溪祠頽垣草髮先生座。古篆苔衣御製碑。賦  
拙難將呼巧夢。愛蓮祇許問花知。春陵感事玉  
塞塵。沙狼火濶牙城歌舞漏聲寒。雲烟舊國銅

駝思風雨高樓鐵笛心。春風病眼王孫艸。暮雨  
悲笳客子居旅晨。月落千營齊放馬。烟清半樹  
昨啼鴉。醉鄉已度殘宵事。夢國空看舊圃花。午  
窗卽事愁中歲月偏多病。亂裏身名祇一癡。寄  
余十載光分烏舅火。連朝帛寄雁奴音。斜陽樹  
影深空牖。初月秋聲送遠林。蓬婆霧斷封千嶂。  
拐子秋高過百城。共下天涯狼虎淚。獨存亂國  
水雲情。眼底雲姿蒼狗路。袖中秋氣古龍天。旅

夕卽事獨許農師猶看月可憐君子各爲天列  
宿碑前方士意笑星瀨上里人心高迴沉琢情  
踪孤寄哀猿三峽嘯規五更不足喻其悽切也  
其他如犬聲黃葉寺人影夕陽樓竹影千絲日  
蟬聲滿腹秋金人玉塞沙千里水落山高鳥一  
枝舊帙新裁砌籠盈筭河東忘却未免腹負安  
世耳無文名大樸萬安人



劉天孫

劉放雲拜梅堂自剛稿脫胎竟陵而療竟陵幽  
細靈澹秀折古香筆畦墨瀋亡復人間烟火年  
來益更醇肆不墮枯索禪家所謂除去理障便  
無執着煩惱冰生于水而寒于水青出于藍而  
青于藍楚材若此鍾袁三折肱斯爲最也感歸  
諸篇高言正始陳拾遺何足道哉蔡中郎得仲  
任論衡秘不示人卷握間寶此過矣聞樂府力

追魏晉余尚未得而矚也五言律如畫馬爾志  
自侔儻艱辛知屢經雪衝連練影烙帶響房星  
僕射生堪託青萍嘯豈停寫神應在骨勅敵迴  
蒼鷹投交阻風燈幃頻聚影別去已三年何事  
白頭浪又吹黃葉天盟心看縞紵理怨入匏絃  
薄莫饑烏下飛開檣外烟羈心向何託聞子繫  
歸航岸溼磯鳴火林衰橘抱霜慵眠添夜永靜  
思納溪光濤壘惟欺柁遙同秋水蒼不寐漏定

爐香瘦。閨人能幾堪。名空顏火鳳。蘭只念冰蠶。  
鄴韻情將五白邀影自三。草堂何日過。踏過百  
花潭。寄書帶圍今已減。所負薜蘿衣。地遠夢難  
續。神寒字不肥。烟波釣漸懶。橡栗掇猶饑。一劄  
頻珍重。唐亭亡雁飛。七言近體如舟宿。燕磯江  
空雁瘦影將除。浩浩亡縈似野居。鐘散隔林猶  
戀舫。獨迎殘火漸知廬。尋香夢煖春深跡。憇宋  
心森夜半餘。獨有亂離人定後。幾株寒柳共疎

疎感秋爐香靜遶一灣。悠心弱應難續舊愁野。  
態漸尊腰與膝。新知原許壑兼丘。艤遙歸晚長。  
如粒。釀就初擎白似秋。已卜釣絲風下叟柴門。  
隨意對滄洲。送春荒城是處減春華。旅盞平分。  
醉有涯。辭葉花魂茫有蜨。遶岩夕梵冷如鴉。輕。  
寒漸失燭重袂。野馥亡多待煮茶。忽憶顏年逢。  
謫客。三更江上理琵琶。湘東十律獨向曉巖悵。  
古藤茁生小草自相矜。憂驚五嶺同三峽。淚點。

雙娥灑二陵。老膝漸難工。世態微名何計避。人  
稱細牽漁髮絲絲影。吹折寒江挂一罾。感歸愚  
谷藏身悔已遲。亡方騷屑靜中思。白鹽赤米田  
家事。黃葉紅渠處士詩。久拙卽今憐老婦。真狂  
何法教癡兒。短槎縮項曾垂釣。端憶江邊月到  
時。縣鶉牢護遠遊身。半蹠中原棘與榛。退谷雲  
深圖再訪。祁生鴻隔不稱賓。吏矜曼倩長諧世。  
命似明妃老嫁人。羌笛數聲芳草歇。催寒風雨

動西鄰。遙禮杜墓。何處蒼藤下夕陽。石頭梅灼。  
古來香。半生戎馬愁西蜀。絕代詩歌領盛唐。花  
鳥驚心都是淚。冰霜刺骨到枯腸。最憐好友淪  
亡後。三冠簾鉤忌老狂。晤何叔鑑。橋邊唳鳩。火  
聲殘。八載天涯一字難。旅骨已枯。應化鐵。鄉心  
漸引。且垂竿。永嘉曆就陶籬覓。天寶人經蜀道  
寒。虎拜由來隨蝶夢。看君亦失舊儒冠。寶弓曳  
曳問長塍。嶺表萍踪歸未能。山海圖存觀匪昔。

鷓鴣枝冷託誰曾。聲青聽過前峰。雨焰短初連。  
萬里燈。治亂總憑毫素力。將分縞帶有良朋。山  
夜憂。寄季無懷。叩角宵歌。冷不勝。結鶉笑卽舊  
吳綾。瓶爭餘粟。仍羞鶩。吏竄亡家。轉羨僧。破寤  
晨鐘。催兩鬢。剪霜黃。葉到三層。仰窺弦朔圖新  
令。晉曆陶尊。悵未能。五言律警句。如賦寄王昌  
之。湘淼天增濶。衡尊雨益奇。憶画水綴三更響。  
風圖六月寒。湖邊草閣。蓼疎秋有跡。曾定水亡

聲竈拾呼風。葉扉臨載月航。偶成索居翻憎影。  
天涯誰是鄰。雞鳴琨逸少。書晤耳周頻。一枝三  
匝後。八口七歌餘。揚舲磬過磯頭立。帆歸雲上  
迷。泊孤同墜葉。楫響卽鄰家。石火敲更乞雲帆。  
候曉斜崎嶇。層浪裏。雙槳落寒烟。苦雨墻角頽。  
蒼鱗磯頭笑。曙鐘投別句。就冰霜結緣。逢山水。  
尋鄖城露華高柳色。雞曉落沙聲。度節杜陵衣。  
未賜漢武簪。堪思簫鼓亡端合。香花到處吹舟。



飲星下窺灘火烟疎綴浦芹赤壁槩橫留韻老

曲顧寄情多文章爭運數裁賦報東坡

蘇公以黃州赤壁

鼻爲赤壁

君山定鍾依水濕茂艸對春殘祝融峰頂

萬里秋全見三湘氣漸收凌空欺鳥力落響訪

泉幽尋僧禪喜說龍肉溪仍印虎踪澗邊幽可

摘疇與採芙蓉荔枝灘荻月臨沙動螢星合水

飛題寓山水文章性風塵奴僕身江漲樹低天

是岸鼉入郭爲家理定道中虎風生大壑烏月

守閒扉。七言警句。如秋日影寒。續霧鴻移岸。香  
瘦沈蓮水。沒。習。屈平廟。騷成不聽風。剛楚沙冷。  
羞留怨。與齊悼亡。鬼。愚偏解收嘉侶。天老應難  
辨。慧才落葉散。接霜砧。催戍夢。飛吹鐵笛補漁  
蓑。漂零正值吳江冷。捺亂其堪楚水多。桐圭剪  
處。天言溼。薤簾成。如秋氣殘。桐背高翔任女字。  
柿頭吹老鄭虔書。蟲纈舊痕先碎月。蟬危昔蒂  
漸矜寒。鐘斷僧歸聞履跡。月明人定送閨思。柯

守井桑徒覆夢。榆凋漢社僅藏烟。秋日與某某  
飲江樓。糧艱入口兼分霍。夢過三湘只繫舟。誰  
飲葡萄謀健醉。但驚簪策接新愁。江楓漸瘦紅  
將溼。露荻驚殘白未周。騎散并州餘好笑。雞聞  
淶水正中流。最憐鼓史難容俠。不信鞭垂可斷  
流。寒溪嶺頭鐘散吹黃葉。橋外秋多澹碧溪。佛  
炤霜燈延草溼。懷人宵夢入蘆寒。感秋隔溪峰  
遠孤。僧立過枕鐘寒落葉來。凋多師友頻驚骨。

收遍霜風獨吹心。九月十日登沼山。剝邊秋老  
蟹私語。矧底寒生雁獨飛。鐘滿荒榛難出岫。劍  
吹新鶚好迎霜。過嵇紹墓坐深塵尾譚。何益衣  
點龍泉血有聲。長安餞春三千路。越雙柑好九  
十陰隨五漏窮。燕歸偶逢林逸圖。新句不聽羊  
欣踐落花。說到領南如遠竄。故園今已是天涯。  
漢上東某郡伯。半江笛過吹遙舫。遶署光寒禮  
道容。懷二致弟燕中。疲驢細蹠飛花雨。草服長

拖斷嶺烟。湘東十律。薄身比葉。先秋瘦。假寐如  
家。伏枕還儀。高龍豹松千尺。馥浴萸薤水一涵。  
獨秀山。疇隣削嶂前。朝貌但數顏。宮滿苑秋錦。  
石花開。猶早馥珠簾。人換各新愁。除夕盛壯不  
來愁。魏武漂零既久。動香山頻催。画角寒新火。  
再對梅花已厚顏。瞿園買雲汲月藏。郿塢鑿石  
彫欄衛鼎湖。春仲聞蟬黃。鵬斷處逢清嘯。缺騎  
飛時送晚笳。寄謝并州良刺史。登樓倚月莫長

嗟將入衡嶽。三更笛冷蛟龍夢。八月蘆搖雁鶩聲。賣花聲。階前鸚鵡頻能學。語罷荼蘼又海棠。悼亡。拜手擬攀金粟佛。含毫忍繪玉樓人。得家書。刀環約對芙蓉冷。鐺笛聲同絡緯衣。五言排律。待月美人圖。黛青嵐漸約。櫳白水先漪。對影擎甌際。聆鴻滅燭時。悲歡同一炷。肥瘠相應知。卜是何年手。端傳幽閣姿。七言排律。與濟甫攢眉兀兀幽懷裏。嚙指亭亭新慧生。杯湖白恰兼。

霜泛箬谷青。輶達磬行。觥籌知少緣。金澀畚  
聞曾帶火畊。憶家漸老親。遙癯似雀在官。疊恥  
拙于鳩。慵盼銅駝埋古道。難逢荻雁問高秋。驚  
衰怕見明朝鏡。寄傲曾登最上樓。陸子剗歸搖  
犬尾。陶家金只面犂頭。得辭陳慧酬秦火。重引  
新愁伴楚囚。壬辰六月十七日丙辰書。

倪鴻寶

倪大司農鴻寶詩黃漳海先輩評曰體秋初度  
自爲一部岱華門人董瑒敘謂憶母十章可追  
陟岵八物八章可追小毖戊辰春十章可追巷  
伯讀九一疏草二章可追羔羊要以識時著勸  
動懷君父宋瑞億翁詞雖未工于以紀事書人  
大有經史之意余錄其八化八章刻畫之至幾  
于無字丹者手龜註者眼抉不待甲申三月銅



駝荆棘輦路秋原矣。其一鷗鳳亦難必。肉味化  
大拳。上功憑枉棒。下考等重淵。哭虎將焉避。捕  
蛇亦豈全。司勛無定論。少府量金錢。其二狐虎  
亦難必。威骨化媚珠。軍容多禮數。謁者廣妻孥。  
恭謹將門將。尊嚴姑上姑。師中有女子。何以激  
眉鬚。其三錦練亦難必。天機化繭絲。蕭何刀筆  
吏。鄭棨滑稽詩。河漢而無極。豆籩則有司。堯言  
俞咈耳。二典猶支離。其四鼻耳亦難必。中準化

側輪媼相翹端坐。公卿翼兩甄。防魚教驚守。引  
鶩與雞親。疾惡貴巷伯。不知誰譖人。其五。足首  
亦難必。低跟化高頭。寧火張彘第。莫刳子蜚侯。  
雞爭撻禁鼓。狐亂傳妖籌。吾見臨民長。甘言諂  
悍囚。其六。肉骨亦難必。羸肌化大瓠。令言原懦  
將。王則自傭奴。大吏縛猶稿。名城摧似枯。波翻  
五六月。天子爲停餽。其七。草卉亦難必。香蓀化  
棘荆。畊田多賦稅。作賊有功名。北眺蹋雍絳。南

游翻洞彭但更名曰盜卽解殺官兵其八丘陵  
亦難必榛嶺化麻園貫索星臨廟臯陶祠咽門  
死灰燄卽溺鬼朴至何言地大官俱備厓州寧  
足論七言如夕馳兗州道夕陽飛下魯王宮剪  
剪追人麥子風一望白難分馬練千年青不了  
龜蒙夢中丹漆隨尼父坐上尊罍憶孔融俄見  
隔林晴氣好不知是月是流虹聞朝鮮墮一城  
佩刀一寸十年腥百雉奚堪殞厥翎禮法眼憑

嵇散白。英雄骨。咤蔣侯青。由來巴蜀人。傳檄是  
處燕然石。有銘可惜時。平閒欲死。將軍買筆點  
花經。白門松風閣。小堪極目嶺東烟。不道離城  
有許天。好雨加松青一等。深樓恣佛定。多年名  
心已盡。遙岑下。春景最空寒。食前更進一溪真。  
可住。世人却滯買山錢。警句如集白。下王太學  
園。接木有胎爲弱晉。鳴禽無字不先秦。初寒念  
守邊。將士黃花古。戍春難到枯樹嚴。關雁不過

送人之關中。無人能認騎牛氣。有字須題落雁  
巔。儒眼儘他酣百二。客身總不入三千。雨後行  
東河道中。礪石魏公偏斌媚。輕烟呂相不糊塗。  
荏平道中。靈文杜甫妨蔥肆。朝服王戎負酒壺。  
送吳給諫。政事堂堪名偃月。鼎臣意不在飛霜。  
家居卽事。門外青山屋裏泉。落花詩人。間謾說  
封姨妒。舞破山香。有碍光雄州道上。客路不知  
天近遠。程程須築望京樓。七言古。沈母節婦歌。

天橋夜坼。婺光起。愁鴻泣盡。蘆花水。冢中韓重  
寧孤棲。鬼聲啾啾泣無死。養血血飛成羽。鱗潛  
蛟快舞。雙龍子。霞文欲聚。霜花消。但望懷清臺  
氣美。同衆友。范姬集。白下避暑湖亭。城外十山  
山九赭。五月燂風煮老馬。日下龍歸喘不禁。茫  
取一窰雲作瓦。炎官有字滿長空。一半綠塗半  
紅寫。艇子當窗三兩灣。雛烟驕舞鍾山下。大峰  
如杵細如針。白散湖頭青入竿。撥黍爲籌算亭

子。大。亭。小。亭。數。盈。把。美。人。酡。影。染。溪。雲。一。隊。魚。  
翻。蘆。上。打。花。奴。葉。底。剖。蜂。脾。漁。父。瓶。頭。探。鱗。鮓。  
黃。麴。入。口。卽。玄。冰。此。是。有。酒。白。蓮。社。何。不。沁。死。  
而。焦。生。嚼。糟。不。盡。英。雄。假。一。個。吳。歌。青。滴。滴。喚。  
醒。癡。山。睡。去。者。精。拔。幽。綺。當。與。陶。韋。顏。謝。並。驅。  
爭。先。不。獨。長。吉。鬼。怪。介。甫。拘。折。雄。長。坐。大。已。也。  
若。神。鼠。嚙。孟。繫。尸。蛆。失。鬢。嬰。修。羅。戰。愈。高。天。帝。  
昔。願。來。難。瞞。地。神。南。無。邀。太。上。佛。有。大。淫。山。作。

女等句子瞻所云談經濟如龍肉余傖父性習  
栗縷未敢阿比所好以自麗于章甫縫掖

耶竹杖

卷之七

三十三

留髡堂